



Broj: 10/E-11-12499/23
Sarajevo, _____ godine

11-03-2024

Na osnovu člana 70. stav (1), (2), (3) i (6) i člana 98. Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-1695/23 od 23.02.2023.godine (u daljem tekstu: Komisija II), u postupku javne nabavke za izgradnju arheološkog parka „Kalin hadži Alijine džamije“, provedene putem otvorenog postupka, uz primjenu e-aukcije (Zapisnik o pregledu i ocjeni ponuda broj: 10/E-11-12499/23 od 13.02.2024.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „UNIGRADNJA“ d.d. Sarajevo, ulica Rajlovačka cesta bb, 71000 Sarajevo, broj: 03-2-2/24 od 05.02.2024. godine, za izgradnju arheološkog parka „Kalin hadži Alijine džamije“, provedene putem otvorenog postupka, u ukupnom iznosu od **897.001,31 KM bez PDV-a, odnosno 1.049.491,53 KM sa PDV-om.**
- II.** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- III.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Образложење

Postupak javne nabavke za za izgradnju arheološkog parka „Kalin hadži Alijine džamije“, pokrenut je Odlukom Opštinskog načelnika o pokretanju postupka broj: 10/E-11-12499/23 od 25.12.2023. godine putem otvorenog postupka, broj Obavještenja na Portalu javnih nabavki broj: 848-1-3-210-3-248/23 od 29.12.2023.godine.

Procijenjena vrijednost javne nabavke iznosi 900.000,00 KM bez PDV-a.

U određenom roku za predaju ponuda, 05.02.2024. godine do 13,00 sati, dostavljena je jedna ponuda, i to od ponuđača: 1. „UNIGRADNJA“ d.d. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je su cijena ponude, kako slijedi:

r/b	Ponuđač	Ukupno bez PDV-a	Popust	Sveukupno sa popustom i PDV-om
1.	„UNIGRADNJA“ d.d. Sarajevo	897.001,31	-	1.049.491,53

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njihove validnosti, obzirom na iskazane

zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je detaljnim uvidom utvrdila da dostavljena ponuda ispunjava formalno pravne, ekonomske i tehničke uslove odnosno zahtjeve Ugovornog organa i ista je prihvatljiva.

Tenderskom dokumentacijom je predviđeno provođenje e-aukcije.. S obzirom da je zaprimljena samo 1 (jedna) ponuda koja je prihvatljiva, e-aukcija se nije zakazivala, shodno članu 4. stav (2) Pravilnika o uslovima i načinu korištenja e-aukcije („Službeni glasnik BIH“, broj: 80/23).

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „**UNIGRADNJA**“ d.d. Sarajevo, ulica Rajlovačka cesta bb, 71000 Sarajevo, broj: 03-2-2/24 od 05.02.2024. godine, za izgradnju arheološkog parka „Kalin hadži Alijine džamije“, provedene putem otvorenog postupka, u ukupnom iznosu od **897.001,31 KM bez PDV-a, odnosno 1.049.491,53 KM sa PDV-om.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 7.500,00 KM u skladu sa članom 108. stav (1) tačka f) Zakona.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda
broj: 10/E-11-12499/23 od 13.02.2024.godine

DOSTAVITI:

1. Ponuđaču:
- „UNIGRADNJA“ d.d. Sarajevo, ulica Rajlovačka cesta bb, 71000 Sarajevo
2. Službi za prostorno uređenje i investicije
3. Kabinetu općinskog načelnika – Odsjeku za javne nabavke
4. Službi za finansije
5. Arhivi